



Broj: 04-16-4-8486-39/20
Sarajevo, 30.12.2020. godine

Na osnovu člana 61. Zakona o upravi („Službeni glasnik BiH” br. 32/02,102/09 i 72/17), člana 100. stav (3) („Službeni glasnik BiH”, broj: 39/14), razmatrala žalbu žalitelja “PROINTER ITSS” d.o.o. Sarajevo, izjavljenu putem opunomoćenog Advokata Samra Hadžović, broj punomoći: 33/20 od 24.12.2020. godine, izjavljenu na Odluku Ministarstva sigurnosti BiH, broj: 04-16-4-8486-25/20 od 11.12.2020. godine, ministar sigurnosti d o n o s i:

O D L U K U

o usvajanju žalbe o poništenju postupka javne nabavke „Nabavka kompjuterske opreme“ – LOT 2 Nabavka mrežne opreme za potrebe Ministarstva sigurnosti BiH

1. Usvaja se žalba ponuđača “PROINTER ITSS” d.o.o. Sarajevo i poništava se Odluka o poništenju postupka „Nabavka kompjuterske opreme“ – LOT 2 Nabavka mrežne opreme za potrebe Ministarstva sigurnosti BiH, broj: 04-16-4-8486-25/20 od 11.12.2020. godine.
2. Za realizaciju ove Odluke zadužuje se Sektor za pravne, kadrovske, opšte i finansijsko-materijalne poslove. Ova Odluka će se objaviti na web stranici Ministarstva sigurnosti BiH (www.msb.gov.ba) te će biti dostavljena ponuđaču “PROINTER ITSS” d.o.o. Sarajevo u skladu sa članom 70. Zakona o javnim nabavkama („Službeni glasnik BiH”, broj: 39/14).
3. Ova Odluka stupa na snagu danom donošenja i dostavit će se svim ponuđačima koji su učestvovali u postupku javne nabavke u skladu sa članom 71. Zakona o javnim nabavkama.

Образложење

Ministarstvo sigurnosti BiH, dana 28.12.2020. godine, zaprimilo je žalbu ponuđača “PROINTER ITSS” d.o.o. Sarajevo, izjavljenu putem opunomoćenog Advokata Samra Hadžović, broj punomoći: 33/20 od 24.12.2020. godine, izjavljenu na Odluku Ministarstva sigurnosti BiH, broj: 04-16-4-8486-25/20 od 11.12.2020. godine, u postupku javne nabavke „Nabavka kompjuterske opreme“ – LOT 2 Nabavka mrežne opreme za potrebe Ministarstva sigurnosti BiH, kojom su navedeni žalbeni da „*tačkom 3.4 TD za LOT-2 je navedeno da ponuđač treba da ispunjava, između ostalih, i sljedeće uslove: „Za LOT – 2: da ima uredno izvršena najmanje dva ugovora o nabavci iste ili slične opreme čiji iznos nije manji od procijenjene vrijednosti nabavke za LOT – 2 u posljednje tri godine....“*“

Ugovorni organ pogrešno tumači postavljeni uslov iz tačke 3.4 TD, smatrajući da su ponuđači bili obavezni dostaviti 2 ugovora od po 18.800,00, odnosno dva ugovora ukupne vrijednosti od 37.600,00 KM.

Kako je Žalitelj dostavio 2 potvrde o urednom izvršenju ugovora u vrijednosti od ukupno 27.000 KM, a procijenjena vrijednost nabavke je 18.800 KM, nesporno je da je isti u cjelosti zadovoljio postavljeni tenderski uslov.“

Prije nego se upustio u meritum odlučivanja po predmetnoj žalbi, Ugovorni organ pristupio je provjeri formalnih pretpostavki za ulaganje žalbi koje moraju biti ispunjene od strane žalitelja, kako bi se pristupilo njenom rješavanju, a odnose se na uslovljene pretpostavke u skladu sa članom 100. stav (1) Zakona o javnim nabavkama odnosno dopuštenosti, blagovremenosti i izjavljenosti od strane ovlaštene osobe. Ispitujući pravne pretpostavke u postupanju po predmetnoj žalbi, Ugovorni organ je utvrdio da je žalba dopuštena, blagovremena i izjavljena od strane ovlaštene osobe, te obzirom na sadržaj žalbe se usvaja.

Naime, Ugovorni organ je tokom razmatranja žalbenog navoda izvršio uvid u ponudu ponuđača "PROINTER ITSS" d.o.o. Sarajevo i usporedbom sa Tenderskom dokumentacijom, konkretno tačka 3.4 Tenderske dokumentacije, utvrdio da za uslov uredno izvršena najmanje dva ugovora o nabavci iste ili slične opreme, nije navedeno da li se odnosi na pojedinačni ili zbirni iznos koji ne treba biti manji od procijenjenog iznosa nabavke za LOT – 2 u posljednje tri godine.

U vezi sa navedenim, odlučeno je postupiti u skladu sa članom 100. stav (1) i (3) Zakona o javnim nabavkama te pristupiti poništenju Odluke o poništenju postupka javne nabavke, broj: 04-16-4-8486-25/20 od 11.12.2020. godine.


Uzimajući u obzir sve navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke može se izjaviti žalba Kancelariji za razmatranje žalbi BiH putem Ugovornog organa, najkasnije u roku od 5 (pet) dana od dana prijema ove Odluke.

Dostavljeno:

- "PROINTER ITSS" d.o.o. Sarajevo
- Sektor za pravne, kadrovske, opšte i finansijsko-materijalne poslove
- Glasnogovornik
- a/a



MINISTAR

Dr. Semo Cikotić